

畿輔通志卷一百八十九

錄七 宦績七

國朝一

蘇納海

許汝霖

張伯行

汪由敦

鄂爾泰

朱軾

顧光旭

裘曰修

以上  
簡大臣

特

沈文奎

雷興

張存仁

李蔭祖

王登聯

朱昌祚

甘文焜

金世德

于成龍

格爾古德

于成龍

郭世隆

李光地

蔡珽

李紱

唐執玉

劉於義

李衛

孫嘉淦

高斌

史貽直

方觀承

周元理

楊景素

鄭大進

劉我

梁肯堂

胡季堂

熊枚

陳大文

顏檢

裘行簡

吳熊光

那彥成

松筠

蔣攸銘

曾國藩以上督撫

汪承霈

王鼎

何凌漢

翁心存以上兼尹

田六善

汪晉徵

施世綸

蔣炳

竇光鼐

陳兆崙

申啟賢

李朝儀以上府尹

熊伯龍

吳國對

李應薦

楊名時

吳襄

趙大鯨

吳文鎔以上學政

凌燾監察御史

江蘩巡鹽御史

莽鵠立

三保

徵瑞

文謙

以上長  
蘆鹽政

王暮

沈起元

吳士功

屠之申

以上布  
政使

裴宗錫

吳廷棟

丁壽昌

以上按  
察使

秦鉞

任璣

蔣林

盧見曾

孫泳

稽承志

楊需

以上長  
蘆運司

李丕著

蔣三捷

甘文燦

王來用

陳維新

塗廓

徐永順

宋琬

韓嶼

耿介

錢世清

丁思孔

薛柱斗

崔誼之

楊維喬

宋犖

朱宏祚

石天樞

王隲

朱士傑

邵嗣堯

趙宏燮

李發甲

陳鵬年

戴聖聰

陳宏謀

陶正中

王師

葉信

喬人傑

曠楚賢

沈長春

韓文綺

張雲藻

秦聚奎

以上  
各道

國朝

謹案怡賢親王督修畿輔營田水利功德在民科爾沁忠

親王督辦天津海防並勦猷懋著顧懿親藩邸非可以宦

績例也故其事散見於河渠海防略茲不具錄

蘇納海姓他塔喇氏滿洲正白旗人性慈祥才識尤明敏順

治十八年擢國史院大學士兼管戶部尙書事時釐拜等擅

權蘇納海不肯阿附康熙五年鰲拜因已隸鑲黃旗蘇克薩哈隸正白旗遂欲以正白旗屯莊改撥鑲黃旗而別圈民地以與正白旗使旗人訴請以牒戶部蘇納海力持不可謂旗人安業已久民地曾奉

旨不許再圈宜罷議鰲拜矯

旨遣貝子溫齊等履勘旋以鑲黃旗地不堪耕種疏

聞遂遣蘇納海會同直隸總督朱昌祚巡撫王登聯經理其事昌祚登聯交章言兩旗人較量肥瘠相持不決而旗地待換民地待圈所在荒廢不耕農人環訴失業請停止圈換之令蘇納海亦以屯地難於丈量候

明詔進止鰲拜遂坐以藐視

上命械付刑部議罪部議律無正條擬鞭百籍沒家產鰲拜極言情

罪重大

上以部議不按律文弗允鰲拜出矯

旨即予處絞八年

上親政鰲拜伏辜

特旨爲蘇納海昭雪

敕部予恩卹祭葬如例諡襄愍

國朝先正事畧

許汝霖海甯進士康熙年以禮部侍郎督理子牙河務有築

隄浚河功居民德之祀青縣名宦祠

雍正志

張伯行字孝先儀封人康熙五十四年由倉場總督奉

命發倉賑濟順天永平府親往巡察至永平與知府謝賜履講社倉

法令勸所屬捐輸積貯本朱子法條酌十六款奏上民德之

道古

堂集

汪由敦字謹堂安徽休甯人雍正二年進士官戶部右侍郎奉

命勘永定河時有言宜別開新河歸海者由敦徧歷沿河州郡議以  
暴水爲患由河身淤淺第濬之當自息宜仍舊便奏上

報可

安徽通志

鄂爾泰字毅庵姓西覺羅氏滿州鑲藍旗人康熙三十八年  
舉人乾隆二年八月官大學士奉

命查勘直隸河道九月奏言永定河上游無分洩下游不得暢達以  
致爲患請於半截河隄北開新河卽以北隄爲南隄沿之東  
下入六道口經三角淀北至青沽西入大河更作洩潮埝數  
段俾沙停埝外水歸河中卽下口無阻再於上游河身自半  
截河以上挑濬深通南北岸分建滾水石壩四各開引河一

合清隔濁補救無難又言千里長隄爲數十州縣保障隸霸  
州保定文安大城境者最險要今年風浪擁壞擬於淀河出  
口處至陶家營築培隄工照底濶頂突法修成坦坡形龍堂  
灣轉角處補築月隄以重障疏大隄對岸支河淤淺禁攔河  
疊道俾得暢達又言靜海縣北之獨流內受淀水外當河道  
亦最險處請於東岸建滾水壩開引河注之中塘窪疏通下  
口連海建閘防潮下王大臣等議行

名臣傳

朱軾字若瞻江西高安人康熙甲戌進士雍正三年奉

命與怡賢親王共治畿輔營田水利發帑金百萬爲經費軾悉心營  
度以漳衛滏陽子牙永定灤潞諸河爲經以趙北口東西兩  
淀爲咽喉蓄洩得宜溉田六千頃尋合疏請分直隸諸河爲  
四局南運河及臧家橋以下之子牙河苑家口以東之淀河

爲一局請令天津道總理北運河爲一局請裁分司令通永道兼埋苑家口以西各淀及畿南諸河爲一局請改大名道爲清河道管理下部議行

國朝先正事畧

顧光旭字華陽江南無錫人乾隆十九年進士二十四年授浙江道監察御史時直隸山東大水明年二月

命赴京畿勘災光旭至文安大城疏積水撫饑民入樂亭境民數萬擁縣門欲斃知縣及悍役王姓者時已昏黑光旭令老者數人前宣示

上恩言至痛切眾皆感泣乃乘夜秉燭起草馳章入告乞加賑次至寶坻灤州盧龍皆如之四月勘畢復

命

召見嘉許良久

春融堂集

裴曰修字叔度江西新建人乾隆四年進士二十三年以侍郎

命赴河南勘辦楊橋決口工竣

御製中州治河碑序褒之二十八年二月

命馳驛來京督辦直隸水道溝渠事務

賜御製詩曰修濬蘆溝中泓疏金門求賢二壩築攔水埧淪鳳河淤兼治北運河築南倉橫隄以衛民居改疊道以洩西流九月工竣請假同籍迎養明年復

詔督辦永定河北運河等處工程上言治河不外疏築二字而築不如疏其理甚明直省之弊在近水居民與水爭地如兩河淀泊本以瀦水乃退水一尺則估耕一尺既報陞科卽呈請築埧致隄埧直矗波心橫決益甚請

敕所司於一切浞泊毋許報墾陞科並不得橫加隄埵俾水有所歸  
則患自息矣

上是其言降

敕嚴禁當是時

高宗軫念河防不惜捐千萬帑金以捍民患日修竭忠殫力尤足以  
仰副

聖心云三十八年卒

賜祭葬諡文達

國朝先  
正事畧

沈文奎浙江會稽人明諸生順治元年授保定巡撫駐正定  
明三關總兵郝之潤旣投誠旋以被劾解任文奎將抵任聞  
其率部卒馳至倒馬關暫駐形跡乖張持劄諭寬慰曉以禍  
福旋令總兵吳勝兆率精銳步騎疾馳赴鎮以備不虞而密

疏奏請收其所部以需後效之潤遂留保定文奎策遣先是畿輔南未定土賊蠡聚若大名之開州內黃正定之井陘獲鹿保定之束鹿唐完所在千百成羣焚掠村堡文奎既蒞任訓練標兵飭厲將士與按臣衛周允商摧機宜設策勦撫賊黨趙崇陽等數百人絡繹歸誠會甯晉叛寇韓國壁等抗師負固文奎卽遣崇陽星夜擒勦陣斬國壁殲其逆黨復遣署總兵王燝等討滅香鑪寨賊渠錢子亮喬家寨賊渠趙建英別遣守備劉文選等攻圍深州賊渠於小安晉州賊渠馬數全所至賊巢蕩洗于是冀州賊郭世先保定賊李庫內黃賊李君相順德賊袁三才等數十渠魁一時並就俘戮賊黨解散畿南始定是時保定等府州縣徵納賦課猶沿襲明季舊例有優免太濫致虧正額者亦有取盈攤派刻薄厲民者文

奎奏定悉照正條一切陋弊概行禁革又以甯晉莊地利廣租輕多爲各郡邑豪右佔據遞年逋欠籽粒銀兩守令代償墊解疏請嗣後凡莊地盡召土著小民佃種立甲徵收豪右紳衿概行禁絕明年疏言畿南兵燹之餘民力困竭每歲解京之綿絲等物俱購之別省旣難卽得且物貴民貧運解不易請俱改爲折色二月又疏請各衛所地畝錢糧令州縣徵收屯丁兼屬管攝凡軍宅屯莊概入保甲且於邊戍旣裁軍裝雜派之需應行革除諸疏並見採擇四月天津土寇李聯芳張成軒等橫行南皮鹽山間聚衆干人文奎遣都司楊澄守備徐景山等率精銳間道星馳擒剿復與天津道陳鵬舉等分路追襲擒斬聯芳等九十三人

特旨嘉獎旋

命調任陝西未赴任

詔仍留保定巡撫五月擢淮揚漕運總督

名臣傳

雷興遼陽人正黃旗漢軍舉人順治元年十月授天津巡撫時土賊李聯芳張成軒嘯聚滄州南皮間與同總兵婁光先督師進勦成軒等竄追至海口扼其去路賊驚潰投水死者大半興復遣兵搜捕餘黨斬其渠魁散其脇從疏言大沽海口爲神京門戶請置戰船以備海防下所司議行二年調陝

西巡撫

名臣傳

張存仁字完真正黃旗世襲浙江人順治七年總督三省駐節大名剪榆園巨寇畿南以甯庚寅

詔令考核守令文藝存仁躬蒞各郡命題面試居官廉幹者有一二語通曉卽注上等否則文雖佳亦乙之監司請其故存仁曰

我武臣也

朝廷命我校文我第考實文有偽實難欺也衆皆歎服康熙初崇祀

名宦

雍正志

李蔭祖漢軍正黃旗廕生順治十一年授直隸山東河南總督加兵部尙書銜疏請豁免被災州縣秋糧又以流民令歸原籍恐道殣者多請隨地安集卽時散賑

名臣傳

並請免逃人

連坐之令

雍正志

又疏言直隸瀕海汎地北塘澗河黑洋宜分

兵駐守至禁止海船恐魚鹽米麥不能轉運請令官爲列號稽察出入則商民俱便疏並下部議從之

名臣傳

正定西山久

爲寇踞地險難於用兵蔭祖諭井陘道陳安國入賊巢撫之渠魁高三出就撫涕泣輸誠卒爲勇將康熙二十五年崇祀

名宦

雍正志

王登聯奉天人隸漢軍鑲紅旗順治十七年官保定巡撫時  
海宇初定伏莽尙多官吏艱於緝捕互相容隱登聯請嚴縱  
盜之法重窩主之律厚捕首之賞由是盜賊屏息康熙元年  
裁順天巡撫以登聯兼理其事加工部尙書銜河間大名所  
屬災先後奏請發粟賑濟全活者多五年冬以撥圈旗地擾  
民密疏請令各安舊業言甚痛切忤釐拜意論死旗民哀之  
八年

### 特旨復原官

賜祭葬諡愍愍祀直隸名宦祠

國朝先  
正事畧

朱昌祚字懋功山東高唐人隸漢軍鑲白旗康熙四年授直

隸山東河南三省總督

國朝先  
正事畧

五年抵任疏言直隸總督

經制額兵舊駐河間提標額兵舊駐大名今總督駐劄大名

提督改駐河間若令兩標兵彼此調移恐攜帶家口致累民間請免調兵丁但更換統轄之員爲便得

旨俞允

名臣傳

會鼇拜圈地議起遣部臣會同督撫經理旗民囂然咸泣訴失業冒祚上疏極陳其不便鼇拜怒革職逮問部議律無正條擬鞭責籍沒鼇拜入奏應置重典

上未允出矯

旨竟予立絞入年鼇拜伏罪

特諭昭雪復原官

賜祭葬如典禮諡勤愍祀直隸浙江名宦祠

國朝先正事畧

甘文焜字仲明江西豐城人隸正藍旗漢軍康熙二年授順天府尹以法繩下貴幸家皆斂迹崇文門稅苛露章奏之六年巡撫直隸先是郝惟納以督撫親巡屬邑官吏因緣派累